

Limpieza den Rancho pa habri caminda pa paseo monumental

ORANJESTAD (AAN): Dialuna mainta a mira presencia di personal di Serlimar pero tambe City Inspector presente den Rancho. Tambe a mira representante di Stichting Rancho. E intencion tabata pa un biaha mas haci limpieza. Regularmente ta mira cu tin limpieza ta wordo haci. Asina mes chollernan ta keda yena e lugar cu sushi.

Cu ayudo di un bobcat a benta un muraya tambe abou cu tabata un lugar pa hopi choller sconde y usa nan porkerianan. E barrio mes ta basta dañá pa motibo di chollernan cu tin ta frecuente den un cas bandona pega cu uno habita. Awor cu kier haci e area uno ruta di paseo monumental mester haci algo tambe pa e chollernan y e casnan eybanda. Te hasta por a mira cantidad di mucha cu ni sikiera a bay scol dialuna mainta.

Awor cu e limpieza a tuma lugar ta spera un biaha mas cu e area keda limpi. Cu e muraya basha abou e agentenan tin mas acceso tambe si algo bay for di man cu e chollernan ladron cu tin tambe eybanda. E mainta ey so varios truck a bay dump cu hopi sushedad.

